



REPUBLIKA E SHQIPËRISË  
AUTORITETI I KONKURENCËS  
KOMISIONI I KONKURENCËS

VENDIM

Nr. 621, Datë 13.05.2019

**“Mbi autorizimin e përqendrimit të realizuar nëpërmjet përfitim të kontrollit të shoqërisë Digicom SHPK nga shoqëria Albanian Telecommunications Union SHPK.”**

Komisioni i Konkurrencës me pjesëmarrjen e:

Znj. Juliana LATIFI	Kryetar
Z. Eduard YPI	Zv/Kryetar
Znj. Leida MATJA	Anëtar
Znj. Adriana BERBERI	Anëtar
Z. Helidon BUSHATI	Anëtar

Në mbledhjen e tij të datës 13.05.2019, shqyrtoi çështjen me:

**Objekti:** Autorizimi i përqendrimit të realizuar nëpërmjet përfitim të kontrollit të shoqërisë Digicom SHPK nga shoqëria Albanian Telecommunications Union SHPK.

**Baza Ligjore:** Nenet 2, 10-12, neni 24, germa d, dhe nenet 53-64 të Ligjit Nr. 9121, datë 28.07.2003 “Për Mbrojtjen e Konkurrencës”, i ndryshuar. Rregullorja “Për zbatimin e procedurave të përqendrimit të ndërmarrjeve”, Udhëzimi “Për formën e njoftimit të përqendrimit” dhe formulari i njoftimit të përqendrimit”.

**Komisioni i Konkurrencës**, pas shqyrtimit të relacionit të Sekretarit të Përgjithshëm si dhe raportit të Drejtorisë së Analizës dhe Metodologjisë së Tregjeve, mbi njoftimin e përqendrimit të realizuar nëpërmjet përfitim të kontrollit të shoqërisë Digicom SHPK nga shoqëria Albanian Telecommunications Union SHPK;

**VËREN SE :**

**Procedura dhe Transaksioni**

Autoriteti i Konkurrencës është njoftuar në lidhje me nënshkrimin e dokumentit “Marrëveshje për shitblerjen e kuotës”, ndërmjet shoqërisë INFO-Telecom SHPK dhe shoqërisë Albanian Telecommunications Union SHPK.

Blerësi: Albanian Telecommunications Union SHPK, është një shoqëri e themeluar sipas legjislacionit shqiptar, e regjistruar më datë 25.02.2010 me objekt aktiviteti zhvillimin dhe funksionimin e telekomunikacioneve/elektronikës në përputhje me legjislacionin në fuqi në territorin e Republikës së Shqipërisë duke përfshirë por pa u kufizuar në zhvillimin e komunikimeve elektronike nëpërmjet transmetimit të sinjaleve përmes komunikimeve elektronike, që përfshin shërbime të telekomunikacioni, televizionit kabllor dhe shërbime të tjera të lidhura me të, zhvillim i linjës tokësore Wireless, etj.

Shitësi: INFO-Telecom SHPK, është një shoqëri e regjistruar sipas legjislacionit shqiptar më datë 02.12.2009, me objekt veprimtarie në fushën e komunikimeve elektronike, transmetimit të dhënave dhe internetit, rrjetit dhe shërbimeve për telefoni, shërbime të linjave me qira, shërbime Voip, IP TV etj.

Shoqëria INFO-Telecom SHPK është një nga ortakët e shoqërisë Digicom SHPK.

Shoqëria target: Digicom SHPK është një shoqëri e regjistruar në sipas legjislacionit shqiptar më datë 18.08.2014, e cila ka për objekt të veprimtarisë së saj kryerjen e çdo veprimtarie të lejuar nga ligji dhe/ose pjesëmarrjen në çdo veprimtari apo aktivitet të ligjshëm që mund të kryejë një shoqëri me përgjegjësi të kufizuar, e krijuar në bazë të legjislacionit shqiptar dhe në veçanti shërbime në fushën e komunikimeve elektronike si: operator i rrjetit dhe shërbimeve për transmetim të dhënash/internet; operator i rrjetit dhe shërbimeve për telefoni publike të qëndrueshme (telefoni fikse); shërbime të transmetimit të të dhënave; shërbime të linjave me qira; shërbim telefonie me kartë të parapaguar; shërbim Voip; shërbime të transmetimit të të dhënave (data), IP TV, etj.

Referuar marrëveshjes mes palëve dhe pasqyrave financiare të vitit 2017, transaksioni plotëson kriteret e përcaktuara në nenet 10 dhe 12 të Ligjit Nr. 9121, datë 28.07.2003 “Për Mbrojtjen e Konkurrencës”, i ndryshuar duke u bërë objekt shqyrtimi dhe vlerësimi nga Autoriteti i Konkurrencës.

### **Vlerësimi i përqendrimit**

Në zbatim të nenit 3, pika 7, të Ligjit Nr. 9121, datë 28.07.2003 “Për Mbrojtjen e Konkurrencës”, i ndryshuar, Udhëzimit Nr.76, datë 07.04.2008 “Për përcaktimin e tregut përkatës”, si dhe duke marrë në konsideratë natyrën e transaksionit, treg përkatës u konsiderua tregu i shërbimeve me pakicë të komunikimeve elektronike, konkretisht tregu me pakicë i shërbimeve të internetit, telefonisë fikse dhe IP TV, dhe tregu përkatës gjeografik u konsiderua territori i Republikës së Shqipërisë.

Transaksioni i propozuar është përfundimi i drejtpërdrejtë i kontrollit të shoqërisë Digicom SHPK nga shoqëria Albanian Telecommunications Union SHPK .

Ky transaksion është rasti i një përqendrimi vertikal, ku ndërmarrjet pjesëmarrëse ushtrojnë veprimtari në nivele të ndryshme të zinxhirit të produktit. Pas realizimit të transaksionit pritet të ketë rritje të efektivitetit dhe cilësisë së shërbimit, të mundësisë së transmetimit dhe shpërndarjes të kapaciteteve profesionale nga përdorimi i teknologjisë FTTH.

Si konkluzion ky përqendrim nuk shfaq shenja të kufizimit të konkurrencës në treg ose në një pjesë të tij në veçanti, si rezultat i krijimit ose forcimit të pozitës dominuese.

### **PËR KËTO ARSYE:**

Komisioni i Konkurrencës, në bazë të nenit 24, shkronja d dhe nenit 56 pika 1 të Ligjit Nr. 9121, datë 28.07.2003 “Për Mbrojtjen e Konkurrencës”, i ndryshuar,

### **VENDOSI:**

1. Të autorizojë përqendrimin e realizuar nëpërmjet përfimit të kontrollit të shoqërisë DigiCom SHPK nga shoqëria Albanian Telecommunications Union SHPK.
2. Ngarkohet Sekretari i Përgjithshëm për njoftimin e palëve dhe dërgimin e vendimit pasi të bëhen pagesat që parashikon rregullorja “Për caktimin e shpenzimeve për ndjekjen e procedurave pranë Autoritetit të Konkurrencës”.

Ky vendim hyn në fuqi menjëherë.

**KOMISIONI I KONKURRENCËS**